


اللَّهُمَّ إِنِّي أَقْدَمُ إِلَيْكَ بَيْنَ يَدَيَّ مَوْثِقًا كُلَّ نَفْسٍ
 وَلَمَحَّةً وَطَرْفَةً وَطَرْفٍ بِهَا أَهْلُ السَّمَوَاتِ
 وَأَهْلُ الْأَرْضِ وَكُلِّ شَيْءٍ هُوَ فِي مِلْكِكَ كَأَنْ
 أَوْقَدْتُ كَانَ هُوَ فِي أَقْدَمِ إِلَيْكَ بَيْنَ يَدَيَّ
 ذَلِكَ كُلَّهُ

بِسْمِ اللَّهِ الرَّحْمَنِ الرَّحِيمِ الكافي
 اللَّهُ الْكَافِي فَصَدَّتْ الْكَافِي وَحَدَّثَ الْكَافِي كَهَانِي الْكَافِي
 لِكُلِّ كَافٍ تَعْنِي الْكَافِي الْحَمْدُ لِلَّهِ الْكَافِي

كُلُّ يَوْمٍ
 ٧١

اعوذ بكلمات الله التامة من كل شيطان وبأتمه
 ومن كل عين لامة



حد بی غایه و شای بی نهایت تمام اول ذات بچونه
اولسونکه احکام شرع قوی محکم کتابی ایله واعلام
دین مستقیم معظم خطابی ایله احکام واعلا ایلدی
ودرود نامعدود و صلوات نامحدود حبیب خدا
رسول کبریا محمد مصطفی صلی الله علیه وسلم
حضرت لیلینک مرقد معطر و مشهد منور لرینه
وال کرام و ائمه عظام حضراتنه اتحاف واهد
اولنور مترجم کتاب عنبرین نقاب محمد بن محمد
الشهر برودوسی زاده ایدرکه چونکه دستور
اسمان پایه وصاحب خوشبید سایه مستند فرورکار

فرمای • رونق فرمای صدر دانایی • شیر پیشه
 کارزار دیران میدان پیکار • جهان سالاران مور •
 جنگ اور طفریاور • شیر حسته ذات ملک نه
 مشارستود • صفات آصف استعداد اعنی وزیر
 اعظم مصطفی پاشا دام عز و فشا • حضرت بیری بر مقتضای
 علو همت • و ستم منزلت • دائما فکر و اندیشه لری
 فتح و بلاد و جهاد • و اصلاح کار عباد • مصروف
 اولغله بومقوله امورک احکامنی جامع و مشتمل کتاب
 راعب اولدقلرند • مجلس عالی لیرند • علمادان بعضی
 خلفای عباسیه دن هارون الرشید امام ابو یوسف
 رحمه الله تعالی حضرت لیرندن جبايت خراج و عشور و صدقات
 امثالی بر نیجه امور دن استفسار ایلدکده امام رحمه الله
 تعالی حالامیان علماد • خراج ابی یوسف عنوانیه ^ف
 و مشهور اولان کتابی تألیف یور مشر ایدر یوب کتاب
 مذکورک محاسنی شرح و بیان ایلشد • بس دستور
 فلاطون دانش دخی کتاب مذکورک مذاکره سنه از ما
 کوستردکن صکره نفعی شمل و اعم و فائده سی اکل و اتم
 اولغچون لسان عربین زبان ترکی به نقل اولنسنی
 بوفقیه فرمان یور دیر عبد قلیل البضاعه • و عید

الاستطاعه • دخی فرمان عالیترینہ امتثالاً المأمور
 معذور • مقتضای اوزرہ بوکار دشوارہ اقدام و بو
 امر مهمی تمام ایچون تشریح ساعد اہتمام ایدوب بر میدتہ
 بعون الله تعالى و توفيقه پایانہ ایر کوردی و من الله
 التوفيق والهدایة فی البدایة والنهاية • وهو حسبی
 ونعم الوکیل امام ابو یوسف رحمہ اللہ تعالیٰ بیورکہ
 امیر المؤمنین جنایت خراج و عشور و صدقات و جزی
 و غیر امثالی بر نیچہ امور ک احکامنی جامع و مشتمل کتاب
 تالیف و لنسی سئوال ایلدیر • تاکہ احکام مذکورہ
 ایلہ عمل ایدوب رعایا دن جور و ظلمی دفع و ابعاد و
 اصلاح کار عباد اللہ پیش نہاد ایلکله سالک راه رشتا
 و سداد اولہ لر بناء علی هذا سئوال ایلدیر احکامک
 شرح و بیان بابتہ بو کتابی تالیف ایلدم یا امیر المؤمنین
 جناب حقہ هزار حد اولسون سکا بر امر عظیم تقلید ایلدیر
 ثوابی اعظم • و عقابی اشد عقابدر بوائتہ سنیر
 و والی ایلکله عبادینک حارس و نگهبانی و حافظ
 و باسبانی ایلدی پس سندہ روز شب عباد اللہ
 بناسنہ صرف همت و اہتمام ایلکده سین • لکن بیکہ
 اساسی صلاح و تقوی ایلہ موئس اولیہ جناب حق اول

بنای بانی سنک واستحکامه معاون اولنرک اورده
هدم ایدر • امد الله عظیم الشانک سکا احسان ایلدو کی
دولت ولایت عبادی ضایع ایتیموب خلاف راه صلا^{حه}
سلوک ایلمله اتمام مصالح امنیه سنده اوله • زیر اعمله
قوت و قدرت جناب حقک اقدار و تیسیر ایلدو و
عمل مروزی فردایه تاخیر ایلدو اضاعت ایلدو زیرا اجل
امله مقارنند • بس بعد الاجل انقطاع عمل مقرر اولدی
عمل ایلدو اجله مبادرت ایلدو راعی افندیسنه عهد سنده
اولان امرک محاسبه سننی نیجه ویررسه کذلک رعایه
و حکامده خدای لایزاله عهد لرنده اولان امورک
محاسبه سننی ویررسه لکر کدر • امد اقامت حقه
کوشش ایلدو اگر نهاردن بر ساعت اولورسه ده یوم
قیامتده عند الله اسعد رعایه اول کسه درکه رعیت
انک سببیلده سعید اولمش اوله لر • و راه زینغ و طغیان
سلوک ایلدو • رعیتکده زینغه دو شمیله لرو هو ایستاد
ایدوب غضبکده تابع اولدن بر هیز و اتقا ایلدو و هر بار که
بری آخرت دیکری دنیا ایچون اولان امور دن ایکی امره تعلیق
نظر ایدوب لامحاله برینجی ترک ایدوب آخرینه صرف عمل ایلدی
اولسک فیا بی دنیای و بقای آخرتی دنیا یه ترجیح ایلدو و

جناب حقتك حشيتندن ناشی حذرا وزره اول و
ناسك قریب و بعیدنی بر حكد ه يكسان طوت و امر حده
لوم لائندن خوف ایله و خوف و حذرك و اتقا و پرهیزك
قلب و عملكله اولوب مجرّد زبانه كله اولسون و عملكی غیري
ملاحظه لردن قطع و صرف ایدوب صرف اجل مقطوع
و سبیل مسلوك و طریق ماخوذ و عمل محفوظ و منهل مورد
ایچون ایله زیار و زپر هول حشرده جبروت خدای تعالی
بیخ خلق دیوان حقد ه ایراد دلیل و حجتیه بی درما اولوب
زار و کربان عقوبتدن رسان قضایه منتظر اولجقه متضرر
بس حسرت و ندامت اول کسه ایچوندرکه اول موقع عظیمه
عالم ایکن زلت اقدام و تغیر الوان و طول قیام و شدت
حساب و مناقشه کتاب کونی ایچون عمل ایلماش اوله
قال الله تبارك و تعالی فی کتابه الکریم وان یوما عندک
کالف سنه مما تعدون • وقال الله تعالی هذا یوم الفصل
جمعناکم و الاولین • وقال تعالی ان یوم الفصل یتیهم اجمعین
وقال تعالی کانهم یوم یرونها لم یلبثوا الا عشیه
اوضیحها وای اول حسرتیه کم بریجه مدتدن صکره پایانه
یتیمه واه اول ندامته کم لاینقطع اولغین دو کعب
کتمیه اختلاف لیل و نهار هر جدید ککنه و هر بعید قریب

و هر موعده موجود و اشکارا بدر پس الله عظیم الشان ^{نفسه}
 کسب اید و کی عمل اید جز اید مدت بقا غایت قلیل و خطر امیه
 عظیم اولوب دنیا داره لاک و بوار. آخرت خود دار قراره
 پس اند یارین جناب حقه طریق مستقیم تجاوز اید لاک بولنه
 سالک اولدوغک حالده ملاقی اولدن اقرار ایدله جناب
 حق جل ذکره عبادینه اعمالی ایدله جز ایدوب منازل و مرتب ^{شاه}
 جز ایلر پس حذر اوزره اولکه عبث حلق اولمک و پیوده
 دخی ترک اولنمیب بولمذوغک مصطلعتدن و ایدر و کل عملدن
 الله عظیم الشان سوال ایدر که ملاحظه و فکر ایدر که نه
 جواب ویررسن و معلومک اولسونکه یارین قیامت کونی
 حضور حقه هیچ بر عید زلت قدمه مبتلا اولمز ^{الد}
 صکره اولورنتکم رسول اکرم صلی الله تعالی علیه وسلم
 حضرت بلری یور مشروردر لایزول قدم عبد یوم القیمه حتی
 یسئل عن اربع عن عمله ما عمل فیہ و عمره فیما افناه ^{ماله} و عن
 من این اکتسبه و فیم انفق و عن جسده فیم ابلاه
 بو حدیث شریفک مضمون لطیفی بودر که قیامت کوننده
 هیچ بر عید زلت قدمه مبتلا اولمز حتی دورت ^{سوال} شید سوال
 اولنه بری عملده نه ایشلدک دیو عملدن سوال اولوب
 و عمر کی نقوله یره صرف و افنا ایدرک و مالکی نره دن

کسب ایوب و نزه به خرج ایلدک و جسدی کی بقوله
 امرده ابلا و افنا ایلدک دیوس سوال اولنور پس یا امیر
 المؤمنین سنده سواله جوا کی اعداد و لحضار ایله زرا
 بوکون سندن صادر اولان اعمال و افعال دقیری یارین
 سکا قراءت اولسه کرکدره مستور و مخفی اولان افعال و
 احوالک حضور و حقد ه جمع حلائق میانده کشف اولنه حقی
 تذکر ایله یا امیر المؤمنین سکا توصیه ایلدکجه خائن و دشمن
 تمیل ایوب حفظ و رعایتی سیارش ایلدو کی امر عباد ایله مقید
 اولوب بو خصوصده امر حقی میرنه کور مکدن غیره بلا حفظه
 ترک اید سن و اسهل و اشکار و وسیع و معروف اولاره هدی
 و رشاد سکا دشوار و خفی و تنک و مجهول اولور به پس نفس کشکی
 رام ایوب هوا و غیره مشغول اولقدن منع ایله زیر ادرعی
 حایتی در عهده ایلدو کی مواشی بی موضع هلاک و خطر
 دفع و منع ایوب اماکن حیات و نجات اولان مواضعه
 باذن الله تعالی سوجه قادر ایکن ترک محافظه ایوب بر آخر شی ایله
 مشغول اولدقده بر مقداری هلاک اولسه ضایع اولدی بی
 تضمین الملک اوزرینه لازم اولوب و بلا نقصان کور و صابنه
 تسلیم ایلدکه اجرت و اقیه ایله شاد کام اولسی مقرر در
 پس امدی رعیتی ضایع ایتمدن حذا و زره اول تا که پروردگار

حقی

حقنی سندن اخذ ایلد کده بی اجر و مزد قالمغله ضایع
 و ناتوان اولیه سین • و اول عمل کدن سود مند اولور سنکه
 جناب حق سکا سپارش ایلدو کی امرده عمل ایلمش اوله سین
 و ضرریدر مأمور اولدوغن خدمتی ترک و اضاعت ایلمکه
 کورر سین • امدی صالحی کورمکه مأمور اولدوغن جناب
 الهک خدمتین فراموش ایلمه که سنده فراموش اولنیه
 و دنیا ده مقصد اولان اوقاتکی اضاعت ایتمیش بخاشی جل
 ذکوه حضرتنه تسبیح و تهلیل و تحمید ایدوب و نبی الرحمه
 امام الهدی • محمد المصطفی صلی الله تعالی علیه و سلم حضرتنه
 صلوات و سلامی و در زبان ایله الله عظیم الشان لطف
 و کرمندن ولایه امری وجه ارضه خلفا ایدوب زور
 بر نور ایله مکرم ایلدی تا که اول نور ایله رعایا و عباد
 میانده اولان ظلم ظلمی و حقوق مشتهبه بی ازاله و مستیز
 ولایه امرک اضاعت نور لری حدود الهی قامت ایدوب تثبت
 و امرین ایله حقوقی اهلنه رد ایلمکده • و صلحای قومک
 وضع ایلدو کی سنتی احیا ایله زیرا احیای سنک قومی عظیم
 و اجری جزیل اولوب حیات ابدی به پیوسته اولوق ایله فنا
 بولین خیر دند و راغینک جوری هلاک و رعیتنه سبب
 اهل و ثوق و اهل خیر اولینلری استخدام ایدوب مورنده

انلردن استعانت ايلك ايسه عامه نك هلاكه باعند
 • پس امدى يا امير المؤمنين جناب حَقِّكَ سكا احسا ايلدو
 فتحلى حسن مجاورتله استتمام ايوب شكر ايلك ايله زيارت
 اولماسنى التماس ايله • زيرا حق جل ذكره كتاب كريمند
 لئن شكرتم لازيدنكم ولئن كفرتم ان عذابى لشديد
 بيور مشدد والله عظيم الشانه صلاحدن زياده محبوب
 وفساددن زياده مبغوض بر عمل يوقد • وعل عصيان
 كفر نعم در • و هيچ قوم كفران النعمه اولد قلنده توبه
 واستفغاره مسارعت ايليب بغي و طغيانده متمادي
 اولديلا الامر نورلك عزت و دولتلى سلب و نزع اولت
 اوز لرينه دشمنلى تسليط اولدى و يا امير المؤمنين
 سكا بودولى احسان ايلين جناب حق در كا هندن تضرع و نياز
 ايدمكه هيچ امور دن بر امرى سنك نفسكه تقويض ايليب
 اوليا و احبا سنك مصالحنى مدبر اولدوغى كى فضل و كرمند
 سنكه مصحتكى مدبر اوله • امدى امر ايلدو كك مسالى
 شرح و تحرير ايلدم پس فهم و تدبيرينه كوشش ايدوب حفظ
 و اتقان ايدنجيه دك قواهنى تكثير ايله • زيارتجاى ثواب
 و خوف عقاب اللهدن بكاسكا و سائر مسلمينه نصيح
 و نيدايمده بذل مقدور و سعى مو فورايدوب وسع و قدرتمنى

در بیخ ایلمدم و جناب حقدن مأموم بودر که بوکابده
اولان مسائل ایله عمل ایلمد سک بر مسلم و معااهده ظلم
و حیف اولنق سزین خراجک زیاده اولوب رعیتک
انقیاد و صلاح اوزده اوله لر • زیرا صلاح رعایا
اقامت حدود و دفع ظلم ایله اولور و بو محله غیب
و خصیصن اعمال خیر و صلاح کاره متعلق بر مقدار
احادیث حسنه ایراد ایلمدم عن معاذ بن جبل قال قال رسول
الله صلی الله تعالی علیه وسلم ما عمل ابن آدم من عمل انجی له
من النار من ذکر الله قالوا یا رسول الله ولا للجهاد فی سبیل
الله قال ولا للجهاد فی سبیل الله تضرب بسیفک حتی ینقطع
ثم تضرب به حتی ینقطع قالها ثلاثا بوحد
شریفک مضمون لطیفی بودر که بنی آدمه عذاب ناردن
نجات بخش اولان اعمال صالحه میا ننده ذکر اللهدن
غیری سائرندن زیاده نجات و بربر عمل صالحه سبیل
اصحاب کرام بوکلام دری النظامی کوش ایلمد کلزده یار رسول
الله فی سبیل الله جهاد ایلمکده می ناردن منجی اولمقد
ذکر الله مرتبه سنده دکلد دید کلزنده رسول اکرم
صلی الله تعالی علیه وسلم بی سیفک شکسته اولنجه یه
ضرب ایلمک اوزده اولان جهاد دخی ذکر الله مرتبه سنده

ذکر ایله بیوروب بولکلامی اوج کره ذکر ایله بیورامام بویوسف
 رحمة الله تعالی ایدرکه یا امیر المؤمنین جنه دك فضلی نه مرتبه
 عظیم و ثوابی نقد رجزیل اولدیغی خود معلومدر روایت
 اولنور که ابوبکر صدیق رضی الله تعالی عنه حضرت لری
 یزید بن ابی سفیانی عسکر ایله شامه کوندر دکلرنده کی میل
 قدریر عسکری کوندر کتدیلهر بواثناده بعضی یا خلیفه
 رسول الله رجوع ایلسکر اولنرمی دید که جوابنده خیر
 بن رسول اکرم صلی الله تعالی علیه وسلم حضرت لردن
 کوس ایلم بیوردر لر ایدی که من اغبرت قدماه فی سبیل الله
 حرهما الله علی النار دیدک یعنی برکسه نک قدم لرا حقه
 غبارا لود اوله جناب حق اول قدم لری ناره حرام ایله
 صاحبنی عذاب دوزخدن بری ایله رو عن ابی هریره
 رضی الله تعالی عنه قال قال رسول الله صلی الله تعالی علیه
 وسلم غدوة اورو حة فی سبیل الله خیر من دنیا وما فیها
 راه خداه بر صبح یا خود بر خشام سعی و کوششک ثوابی
 دنیا وما فیها دن خیر لود رو عن انس رضی الله تعالی عنه قال
 قال رسول الله صلی الله تعالی علیه وسلم من صلی علی
 صلواة واحدة صلی الله علیه عشر صلوات و حط عنه عشرین
 یعنی برکسه بکار کره صلوات ایله جناب حق اول کسه به

اون صلوه ایدر یعنی اون دره جه اعطا ایدر و
 اون کما هنی عفو و مغفرت ایلر و عن ابن مسعود رضی الله
 تعالی عنه قال قال رسول الله صلی الله تعالی علیه وسلم
 ان الله ملئکة سیاحین فی الارض یبلغون عن امتی السلام
 یعنی الله عظیم الشانک وجه ارضه مصالح بنی آدم
 ایچون سیر و سیاحت ایدر ملکری وارد که امتدن کا
 سلام تبلیغ ایدر لر و عن ابی سعید الخدری رضی الله تعالی
 عنه عن رسول الله صلی الله تعالی علیه وسلم قال کیف انعم
 وصاحب القرن قد انعم القرن و حنا جبهته واضعاً بسمعه
 ینظر متی یومر قلنا یا رسول الله کیف نقول قال قولوا
 حسبنا ^{حسبنا}
 الله ونعم الوکیل علی الله توکلنا رسول اکرم صلی الله تعالی
 علیه وسلم حضرت یزید بیورد که نیجه سرور و شاد اولادیکه
 حضرت اسرافیل صوری دهاننه وضع ایوب نفع ایچون
 حاضر و اماده اولوب نه و قد ه امر ازدی اولوردیو
 فرمان ذوالجلاله کوش اورمش اصحاب کرام بوکلام
 برهولی کوش ایلد کزنده یا رسول الله امد حال بویله ^{الخطه}
 بزنیه مشغول اولالم یاخورد بونک کبی مطلق شداید و قد ه
 نمقوله ذکر ی ورد زبان ایدلم دید کزنده رسول اکرم
 صلی الله تعالی علیه وسلم حسبنا الله ونعم الوکیل

على الله توكتلنا ديكربور ديلرو عن عاندا لله
 الى ادريس قال خطيب شدا بن اوس الناس
 فحمد الله واثني عليه ثم قال الاواني سمعت رسول
 الله صلى الله تعالى عليه وسلم يقول ان الخير يجنا فيه في
 الجنة وان الشر يجنا فيه في النار الاوان الجنة خزنة ربوة الاوان
 النار سهلة ربوة الاوان الجنة حقت بالمكارة الاوان النار حقت
 بالشهواتي اكشف للرجل حجاب كره فصب اشرف على الجنة وكان من
 اهلبا ومتى ما كشف للرجل حجاب هوى وشهوة اشرف على النار
 وكان من اهلبا الا فاعلموا بالحق ليوم لا يقضي فيه الا باحى نزلوا من
 شدا بن اوس ناسه خطبه اوقيوب الله عظيم الشانه حمد
 وثنا ايلد كدن صكره ايتدى اكاه اولك كه بن رسول
 اكرم صلى الله تعالى عليه وسلم حضرت بلخي كوش ايلدم بوردي
 ايديكه خير باسره جتده در وشرباسره نارده در
 اولك كه جنت بر مرتفع يرد و واقع بر خزنه كبي اولك
 دوزخده بر مرتفع يرد سهله مثابه سنده درود
 جنت مكاره ايله احاطه اولنوب دوزخده شهواته
 احاطه اولنمشد پس چچنكه بر كسه يه پرده مكاره
 برى كشف اولنوب اولده صبر ايلد وكي صورتده جتده
 قريب اولوب اهل جناندن اولور وچچنكه بر كسه يه

روده هوى

پرده هوی و شهوت کشف اولنه ناره قریب اولوب
 اهل دوزخدا اولور امد اکاه اولوب حقه علیک
 اول کون ایچونکه انده حقدن غیر ایله قضا اولنرناکه
 منازل حقه نازل اوله سر و عن انس رضی الله تعالی
 عنه قال لما اسرى بالنبی صلی الله تعالی علیه وسلم فذ
 من السماء سمع دویا فقال یا جبرئیل ما هذا قال حجرت من شہیر
 جهنم فهو هوی فیها من سبعین خریفا فالان حین انتهى الی قعرها
 رسول محترم صلی الله تعالی علیه وسلم شب معرجه
 سمایه قریب اولدقلرند بر صد کوش ایله دیلر جبرئیل
 علیه السلام دن بو کوشمه کلن صدا نذر دیواستفسا
 ایلد کلرند جبرئیل علیه السلام جهنم کا اردن بر
 دو شمشدی یتمش سنه ایدرکه اوچوب اینمکه ایدر
 حال اقعردوزخه و اصل اولوب قرار بولغین انک
 صدا سیدر دیک و عن انس رضی الله تعالی عنه قال قال
 رسول الله صلی الله تعالی علیه وسلم یرسل علی اهل
 النار البكاء فیبکون حتی ینقطع الدموع ثم یبکون حتی
 تکون فی وجوههم کهیئة الاهدود اهل ناره بکا ارسال اولور
 یعنی اهل نار ایچون اغلق خلق اولنور یاخرد سبب کره
 اولان امور دن بر امر ارسال اولنور پس اهل ناره

بکا ایدر لرحتی کوز لری یا شی منقطع اولور بوذن
 صکروینه بکا ایدر لرحتی یوز لرنده هیئت اخدود
 مانند شی شقوق پیدا اولور و عن ابی سعید الحدادی
 الله تعالی عنه قال سمعت رسول الله صلی الله تعالی علیه
 وسلم یقول یوضع الصراط بین ظهرا فی جهنم علیه حاک
 کحک السعدان ثم یستجیز الناس فجاج مسلم سلیم
 و محدوش ثم نجاج و محتبس منکوس فیها ابو سعید
 حدیث رضی الله تعالی عنه ایدر که رسول محترم صلی الله
 تعالی علیه وسلم حضرت یزید بنی کوش الیدم بیور در لری
 صراط اوزرنده سعدان دید کلری اوتک دکنی کبی
 دکلری اولدوغی حالده میان جهنمه وضع اول نور عبده
 ناس مرور و عبوره آهنگ اید کلرنده کیمی سلم و سلیم
 عبور ایدوب نجات بولور و کیمی محدوش و مجروح اولد
 صکره نجات بولوب کیمی ده محتبس و منکوس اولوب
 قالور و عن عائشة رضی الله تعالی عنها قالت قال
 رسول الله صلی الله تعالی علیه وسلم یا عائشة یا کذ و محقرات
 فان لها من الله طالبا عائشه رضی الله تعالی عنها ایدر که
 محترم صلی الله تعالی علیه وسلم حضرت یزید بکا یا عا
 محقرات اعمال دن اتقا و پرهیز ایدوب هیچ بر علی حقیر

کوروب

كوروب نه اولسه كرك ديمه زيرا اول محقرات اعمالك
 حتى طرفدن طالبي وارد روعن البراء قال كجامع النبي صلى
 الله تعالى عليه وسلم في جنازة فلما اتسهننا الى القبر جئنا
 النبي صلى الله تعالى عليه وسلم في القبر فاستدرت
 فاستقبلته صلى الله تعالى عليه وسلم فبكي حتى بل الثرى
 ثم قال اخواني لمنثل هذا اليوم فاعدوا براء رضى الله
 تعالى عنه ايده كرسول اكرم صلى الله تعالى عليه وسلم
 حضرت يلر له بر جنازه ده بله ايدك پس قبره وارد و غمزه
 رسول اكرم حضرت يلر قبره زانو او زرينه او تورد يلر
 بزده اطرافه دائره اولد و غمزه بن رسول محترم
 حضرت يلر نيك قرشولرينه دو شمشدم پس رسول اكرم
 صلى الله تعالى عليه وسلم حضرت يلر اول مرتبه كربه
 ايلد يلر كه حتى طپراق ياش اولدى بعد ه اي نيم الخوام
 بوكون كبي بركون ايچون تهيه زاد واعمال صالح الحضا
 واعداد المكري بورديلر وعن عبيد بن عمير قال ان القبر
 ليقول يا ابن ادم ما ذا اعددت لي لم تعلم اني بيت
 الغربة و بيت الود و بيت الوحدة يعنى قبر ايدك كه اي ادم
 او على نيم ايچون نه اعداد واحضار ايلدك نيم خانه
 غربت و مفرد و دو منزل و وحدت اولد و غمدهن اگاه

دكلى ايدك وعن ابي هريرة رضى الله عنه عن النبي صلى الله تعالى
 عليه وسلم قال يقول الله عز وجل اعددت لعبادي الصالحين ما لا
 عين رأت ولا اذن سمعت ولا خطر على قلب بشر اقروا ان شئتم
 فلا تعلم نفس ما اخفى لهم من قرة اعين جزاء بما كانوا يعملون وان في
 الجنة لشجرة يسير الراكب في ظلها مائة عام ولا يقطعها اقربوا
 ان شئتم وظل ممدود ولو وضع سوط في الجنة خير من الدنيا وما
 فيها اقروا ان شئتم فمن زحزح عن النار وادخل الجنة فقد فاز
 وما الحياة الدنيا الا متاع العرورر سول محترم صلى الله تعالى عليه
 وسلم بيوردك الله تعالى عز وجل بيوردك صالح اولاد
 قولتم ايحون كوزلر كوزمديك وقولقدرا يشتمك وير
 بشرك قلبنه خطورا يتمدك شيلرا اعداد واحضار الله
 اكر بوو عدك مصداقي مطلوب ايسه فلا تعلم نفس
 ما اخفى لهم من قرة اعين جزاء بما كانوا يعملون ايت كريمه
 قراءت ايدك و جنتده بر شجر وارد ركه آنلى اولان كسه
 اول شجر ك سايه سنده يوز سنه سير وسفر ايدى مع هذا
 تمام ايدوب نهايمته ايره فرا كرى بو كاده مصداق لادم
 ايسه وظل ممدود قول كريمى تلاوت ايدك و جنتده
 بر سوط مقدارى ير دنيا وما فيها دن خير ليدر بو كواه
 صدق فمن زحزح عن النار وادخل الجنة فقد فاز وما الحياة الدنيا

الامتناع الغرور ايت كبره سيد بن عزابي سعيد اخذني قال قال
رسول الله صلى الله تعالى عليه وسلم ان من احب الناس الى و اولهم
منى مجلسا يوم القيمة امام عادل وان ابغض الناس الى يوم القيمة
واشد هم عذابا امام جائر يعنى يوم قيامته بك احب الناس
اولوب مجلسه قريب اولنردند را امام عادل ويوم
قيامته بك ناسك ابغضى اولوب عذابى زياده اول
امام جائر وظالم مدد وعن عبد الله بن عباس رضى الله تعالى عنهما
قال قال رسول الله صلى الله تعالى عليه وسلم اذا اراد الله يقوم
خيرا استعمل عليهم العلماء وجعل اموالهم في ايديهم اذا
اراد بقرم بلا استعمل عليهم شفاء وجعل اموالهم في ايدي
الغلاء الا ومن ولي من اممى شيئا وفق بهم فحو ايجهم
رفق الله به يوم حاجه ومن احتجب عنهم دون حاجهم
احتجب الله عنه يوم حلتة وحاجته فحق الله عظيم الشان
برقومه خير مراد اليه انلرك اوزرينه حلیم اولنلري
عامل و حاكم ايوب امواللرني كريم اولنلرك دسته
ويردو برقومه بلا و محنت مراد اليه اوزر ليزنه سفها
عامل ايوب امواللرني بخلايدينه سبارس ايد بس
بركسه كه بنم اتمم امزندن بر شينه والى اولد قدو حوا
مزبور لره رفق وملايمت ايدو حاجتى كونده الله عظيم الشان

اول كسه به رفو ايد و بر كسه كه اتمك حوايج و مصالحت
 و قنده مزبور لردن احتجاب و استتار ايد در الله عظيم
 الشانده اول كسه دن خلت و حاجتي كونده احتجاب
 ايد و عن ابى هريرة رضی الله تعالى عنه عن رسول الله صلی الله
 تعالى عليه وسلم قال انما الامام جنة يقابل من وراءه وثقى به
 فان امر بتقوى الله و عدل فان له بذلك اجر وان ^{غير} التقي
 فعليه انه يعنى امام مانند سپر بر حامي و ساتر در كه ه
 دشمنه انك و راستند في مقاتله اولنوب و حين ضرورت
 اكا التجا اول نور بس امدي اكر امام الله تعالى ينك
 تقوا سيله امر الميوب عدالت ايدسه انكي چون امامه
 اجر عظيم وارد و اكر تقوى اليه امر و عادل اوليوب
 غير كاره مشغول اولورسه كاهي انك اوزرينه اولور
 و عن الحارث بن زياد الحميري ان ابا زر سال النبي
 صلی الله تعالى عليه وسلم الامارة فقال انت ضعيف
 وهي امانة وهي يوم القيمة خزي و ندامة الا من اخذها بحقها
 و ادنى ما عليه فيها اصحاب كرايدن ابو زر رضی الله تعالى عنه رسول
 محترم صلی الله تعالى عليه وسلم لدن امارت طلب الميوب
 بني هريره امير و حاكم ايدك ديدكده رسول اكرم صلی الله تعالى
 عليه وسلم سن ضعيفين امارت بر اماند كه التزم ^{نك}